



**Auckland  
LIGHT RAIL**  
Bringing us closer

# Suia faiga o loo tatou soifua ma ola ai i totonu o Aukilani

Vaai i se tusiata – Taulaga Māngere.

O le Light Rail o se poloketi e lē na o femalagaiga e maua mai ai. O le avanoa lea e maua ai se lumanai sili ona lelei mo Aukilani. O le faavae lea mo le faatuputeleina o le tamaoaiga ma atinae e uunaia ai le soifua ma le ola manuia o a tatou tagata, tamaoaiga ma le siosiomaga.

O le faigofie ona fesootai o tagata ma nofoaga sili ona faaaogā, o le siitia foi lea o le lelei o lo tatou soifuaga. A o faatupulaia le atinaeina o la tatou taulaga, o le a fesoasoani light rail e faigofie ai ona feoi tagata.

O loo galulue faatasi le Ministry of Transport, Waka Kotahi NZ Transport Agency, Auckland Council, Auckland Transport, Kāinga Ora ma le Mana Whenua i auala e mafai ai ona iloa le aogā tele o light rail mo le taulaga.

Matou te faamuamua lava le faia o se light rail i le va o le taulaga ma Māngere.

**O le ā se aogā ma le uiga o leni poloketi mo oe ma lou afioaga? Matou te fia iloa sou manatu.**

## O le a maua mai i light rail suiga nei:

- Fesoasoani e atiae se taulaga e lelei i le nofo toe fesootai i se faiga e faigofie, mamā ma saogalemu mo feoaiga.
- Saunia auala e mafai ai ona feoi atu i nofoaga tu lata i le taulaga o loo faatapulaa le maua o auala mo femalagaiga lautele i le taimi nei.
- Uunaia nisi atinae e maua ai manaoga eseese mo fale ma apitaga i totonu o le taulaga.
- Fesootai ma isi auala mo femalagaiga lautele, ma auala e fesootai ma auala savali ma auala uilavilivae.
- Faatupu le faafaigaluegaina o atinae i auala o loo feoi ai ma atiae galuega, faleoloa ma pisinisi ia faalatalata tele i nofoaga o nonofo ai tagata.

I le taimi nei, e lua ituaiga light rail o loo suesue i ai le vaega o faatino le poloketi - modern trams ma le light metro. O modern trams o ituaiga e faaaogā ai auala e sopoia totonu o le taulaga. O light metro o ituaiga auala e faapitoa lava ma e ese mai auala o faaaogā e isi taavale. O auala uma nei e mafai ona fausia i luga a'e poo lalo ifo o le fogaeleele po o le faaaogā faatasi o ituaiga auala uma nei.

## Benefits



Lautele



Tumau



Faatuatuaina



Maua gofie



Gafataulimaina



Saogalemu



Manaia

# Aisea e fai ai le light rail?

O le light rail o se ituaiga auala mo femalagaiga e maua gofie, faatuatuaaina, saogalemu toe manaia, ma o se isi lea faiga e atili ai ona faaosofia le fiafia o tagata e faaaoagā auala eseese mo femalagaiga lautele.

E tumau ma e toatele atu tagata e mafai ona feoai ai, e lē pei o pasi. E ta'i lima minute e faatali ai le light rail ma e tusa ma le 220,000 tagata o le a latalata ia latou galuega, aoga ma tafaoga.

## O ai i matou?

O le matafaioi a le vaega a le poloketi Auckland Light Rail le atiae o se auivi e iloa ai le aogā o lea faamoemoe atoa ai ma fautuaga. O se tulaga lea e mafai ai e le Malo ona faia se faaiuga i le faaiuga o le tausaga i le auala, ituaiga ma le faataunuuna o le poloketi.

## Aisea o le a faia ai se auala e fesootai ai le Taulaga ma Māngere?

O le auala mai le Taulaga agai atu i Māngere o le a fesootai ai nofoaga tetele e lua (Taulaga i Aukilani ma le Malaevaalele). O le a fesootai ai ma fale o loo fuafua i ai ma faataunuu faiga e lelei ai ona feoai atu i afioaga e aofia ai nofoaga tu lalata i le taulaga o loo faatapulaa taimi e maua ai auala mo femalagaiga lautele.

O le auala lea e fesootaia atoa auala mo femalagaiga lautele ma e fuafua e fesootai ai isi light rails i le lumanai agai atu i le itu Matu ma le Matu i Sisifo. E aogā mo le taulaga atoa ma o le a faigofie i le toatele o tagata ona feoai i le taulaga.

## Tulaga o loo matou suesueina i le vaega lenei o le poloketi:

1. Suesue auala e mafai ai ona fesootai mai le Taulaga agai atu i le Wynyard Quarter, ma e ono fesootai atu ai i le iunivesite.
2. E ono pasia e le light rail le Dominion Road po o le Sandringham Road.
3. O auala e fesootai ai ma le aai o loo fuafua e fia faaleleia, e aofia ai Kāinga Ora housing i Mt Roskill ma Māngere.
4. Suesue foi i se auala e fesootai ai i le va o le motorway ma le Onehunga Station mo nofoaafi/pasi.
5. Suesue i se auala e sopoia ai Manukau Harbour. O le a lē aafia ai galuega e toe suia ai le Old Māngere Bridge (o loo fausia i le taimi nei).
6. Suesue se auala e fesootai ai i Māngere, e aofia ai se auala e fesootai atu ai i le Māngere Town Centre ma fale a le Kāinga Ora.
7. Suesue i auala e mafai ai ona fesootai i nofoaga e paka ai taavale mo pisinisi i le Malaevaalele Aukilani ma le nofoaga e faaee ma faatali ai pasese.



**O le 17% o le faitau aofai o tagata i totonu o Aukilani ma le 33% o galuega o le a faatuputeleina o le a maua lea i nofoaga o le a taatia ai le auala mo le isi 30 tausaga.**

# Matou te fia iloa sou manatu

**O loo faagasolo matou faatalanoaga ma afioaga ma tagata uma o loo alaala i totonu o Aukilani. Matou te fia iloa ou manatu po o le ā se uiga o lenei poloketi ia te oe ma lou afioaga.**

## Tatou feiloai

O le a mafai ona e maua sui a la matou ofisa i faatasiga faitele ma maketi i le vaitaimi o Iulai ma Aokuso. Tagai i la matou upegatafailagi e maua ai aso ma nofoaga.

## Tagai i faamatalaga i luga o le initaneti

I le [lightrail.co.nz](http://lightrail.co.nz) e faailoa mai ai ou manatu i se faiga e fai i luga o le initaneti

## Telefoni pe Imeli mai matou

Telefoni 0800 567 847

Imeli [lightrail@nzta.govt.nz](mailto:lightrail@nzta.govt.nz)



**Auckland  
LIGHT RAIL**  
Bringing us closer